

**REGLUGERÐ FRAMKVÆMDASTJÓRNARINNAR (ESB) 2017/1399****2018/EES/7/26**

frá 28. júlí 2017

**um breytingu á II. viðauka við reglugerð Evrópuþingsins og ráðsins (EB) nr. 1333/2008 og viðaukanum við reglugerð framkvæmdastjórnarinnar (ESB) nr. 231/2012 að því er varðar kalíumfjölaspartat (\*)**

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr. 1333/2008 frá 16. desember 2008 um aukefni í matvælum <sup>(1)</sup>, einkum 3. mgr. 10. gr. og 14. gr.,með hliðsjón af reglugerð Evrópuþingsins og ráðsins (EB) nr. 1331/2008 frá 16. desember 2008 um sameiginlega málsmeðferð við leyfisveitingu fyrir aukefni í matvælum, ensím í matvælum og bragðefni í matvælum <sup>(2)</sup>, einkum 5. mgr. 7. gr.,*og að teknu tilliti til eftirfarandi:*

- 1) Í II. viðauka við reglugerð (EB) nr. 1333/2008 er sett fram skrá Evrópusambandsins yfir matvælaaukefni sem samþykkt hafa verið til notkunar í matvæli og skilyrði fyrir notkun þeirra.
- 2) Einungis má setja matvælaaukefni, sem er að finna á skrá Sambandsins í II. viðauka við reglugerð (EB) nr. 1333/2008, á markað sem slík og nota þau í matvæli samkvæmt þeim notkunarskilyrðum sem þar eru tilgreind.
- 3) Sum matvælaaukefni eru ætluð til sérstakrar notkunar við tiltekna vínfraðilegar vinnsluáðferðir og vinnslu. Notkun slíkra matvælaaukefna ætti að vera í samræmi við reglugerð (EB) nr. 1333/2008 og sérstök ákvæði sem mælt er fyrir um í viðkomandi löggjöf Sambandsins.
- 4) Mælt er fyrir um sérstök ákvæði, sem heimila notkun aukefna í vín, í reglugerð Evrópuþingsins og ráðsins (ESB) nr. 1308/2013 <sup>(3)</sup>, ákvörðun ráðsins 2006/232/EB <sup>(4)</sup> og reglugerð framkvæmdastjórnarinnar (EB) nr. 606/2009 <sup>(5)</sup> og framkvæmdarráðstafanir þeirra.
- 5) Í reglugerð framkvæmdastjórnarinnar (ESB) nr. 231/2012 <sup>(6)</sup> er mælt fyrir um nákvæmar skilgreiningar á aukefnum í matvælum sem eru tilgreind í II. og III. viðauka við reglugerð (EB) nr. 1333/2008.
- 6) Skrá Evrópusambandsins og nákvæmu skilgreiningarnar má uppfæra í samræmi við sameiginlegu málsmeðferðina sem um getur í 1. mgr. 3. gr. reglugerðar (EB) nr. 1331/2008, annaðhvort að frumkvæði framkvæmdastjórnarinnar eða í kjölfar umsóknar.
- 7) Hinn 24. febrúar 2015 var lögð fram umsókn um leyfi fyrir notkun á kalíumfjölaspartati sem stöðgara í vín. Umsóknin var gerð aðgengileg fyrir aðildarríkin skv. 4. gr. reglugerðar (EB) nr. 1331/2008.
- 8) Matvælaöryggisstofnun Evrópu lagði mat á öryggi kalíumfjölaspartats sem matvælaaukefnis og komst að þeirri niðurstöðu í álit sínu <sup>(7)</sup> frá 9. mars 2016 að tillögð notkun í vín skapaði ekki öryggisvanda við notkunarmagn að hámarki 300 mg/L og dæmigerð gildi á bilinu 100–200 mg/L.

(\*) Þessi ESB-gerð birtist í Stjtið. ESB L 199, 29.7.2017, bls. 8. Hennar var getið í ákvörðun sameiginlegu EES-nefndarinnar nr. 221/2017 frá 15. desember 2017 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, biður birtingar.

(1) Stjtið. ESB L 354, 31.12.2008, bls. 16.

(2) Stjtið. ESB L 354, 31.12.2008, bls. 1.

(3) Reglugerð Evrópuþingsins og ráðsins (ESB) nr. 1308/2013 frá 17. desember 2013 um sameiginlegt markaðskerfi fyrir landbúnaðarafurðir og um niðurfellingu á reglugerðum ráðsins (EBE) nr. 922/72, (EBE) nr. 234/79, (EB) nr. 1037/2001 og (EB) nr. 1234/2007 (Stjtið. ESB L 347, 20.12.2013, bls. 671).

(4) Ákvörðun ráðsins 2006/232/EB frá 20. desember 2005 um gerð samnings milli Evrópubandalagsins og Bandaríkjanna um viðskipti með vín (Stjtið. ESB L 87, 24.3.2006, bls. 1).

(5) Reglugerð framkvæmdastjórnarinnar (EB) nr. 606/2009 frá 10. júlí 2009 um tiltekna, ítarlegar reglur um framkvæmd reglugerðar ráðsins (EB) nr. 479/2008 að því er varðar flokka vínræktarafurða, vínfraðilegar vinnsluáðferðir og takmarkanir þar að lútandi (Stjtið. ESB L 193, 24.7.2009, bls. 1).

(6) Reglugerð framkvæmdastjórnarinnar (ESB) nr. 231/2012 frá 9. mars 2012 um nákvæmar skilgreiningar á aukefnum í matvælum sem eru tilgreind í II. og III. viðauka við reglugerð Evrópuþingsins og ráðsins (EB) nr. 1333/2008 (Stjtið. ESB L 83, 22.3.2012, bls. 1).

(7) Tíðindi Matvælaöryggisstofnunar Evrópu 2016 14(3), 4435.

- 9) Kalíumfjölaspartat hefur verkun sem stöðgari gegn útfellingu tartratkrístalla í víni (rauðvíni, rósavíni og hvítvíni). Það eykur geymsluþol og stöðugleika vínsins og notkun þess hefur ekki áhrif á skynræna eiginleika. Því er viðeigandi að bæta kalíumfjölaspartati við á skrá Evrópusambandsins yfir matvælaaukefni og úthluta því aukefni E-númerinu E 456 til að unnt sé að heimila það sem stöðgara í vín í sértækum ákvæðum viðkomandi löggjafar Sambandsins.
- 10) Reglugerð (ESB) nr. 231/2012 ætti að innihalda nákvæma skilgreiningu fyrir kalíumfjölaspartat (E 456) þegar það er fært í skrá Evrópusambandsins yfir matvælaaukefni, sem mælt er fyrir um í II. viðauka við reglugerð (EB) nr. 1333/2008, í fyrsta sinn.
- 11) Því ætti að breyta reglugerðum (EB) nr. 1333/2008 og (ESB) nr. 231/2012 til samræmis við það.
- 12) Ráðstafanirnar, sem kveðið er á um í þessari reglugerð, eru í samræmi við álit fastanefndarinnar um plöntur, dýr, matvæli og fóður.

## SAMÞYKKT REGLUGERÐ ÞESSA:

*1. gr.*

Ákvæðum II. viðauka við reglugerð (EB) nr. 1333/2008 er breytt í samræmi við I. viðauka við þessa reglugerð.

*2. gr.*

Ákvæðum viðaukans við reglugerð (ESB) nr. 231/2012 er breytt í samræmi við II. viðauka við þessa reglugerð.

*3. gr.*

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 28. júlí 2017.

*Fyrir hönd framkvæmdastjórnarinnar,*

Jean-Claude JUNCKER

*forseti.*

\_\_\_\_\_

*I. VIÐAUKI*

Í 3. lið í B-hluta II. viðauka við reglugerð (EB) nr. 1333/2008 „Matvælaaukefni önnur en litarefni og sætuefni“ bætist eftirfarandi ný færsla við á eftir færslunni fyrir matvælaaukefni E 452:

„E 456	Kalíumfjölaspertat“
--------	---------------------

## II. VIÐAUKI

Í viðaukanum við reglugerð (ESB) nr. 231/2012 bætist eftirfarandi ný færsla við á eftir færslunni fyrir matvælaaukefni E 452(iv):

<b>„E 456 KALÍUMFJÖLASPARTAT</b>	
<b>Samheiti</b>	
Skilgreining	Kalíumfjölaspertat er kalíumsalt af fjölasparskýru, framleitt úr L-asparssýru og kalíumhýdroxíði. Varmaferli umbreytir asparssýru í pólýsúksínímíð sem er óleysanlegt. Pólýsúksínímíð er meðhöndlað með kalíumhýdroxíði sem veldur því að hringurinn opnast og einingarnar fjölíðast. Síðasta skrefið er úðapurkunarfásinn sem leiðir af sér gulbrúnt duft.
CAS-númer	64723-18-8
Efnaheiti	L-asparssýra, einsleit fjölíða, kalíumsalt
Efnaformúla	$[C_4H_4NO_3K]_n$
Meðalmólþyngd miðað við þyngd	Um það bil 5 300 g/mól
Magngreining	Ekki minna en 98% miðað við þurrefni
Kornastærð	Ekki minni en 45 µm (ekki meira en 1% í þyngd agna minni en 45 µm)
<b>Lýsing</b>	Ljósbrúnt lyktarlaust duft
<b>Sanngreining</b>	
Leysni	Mjög leysanlegt í vatni og lítillega leysanlegt í lífrænum leysum
pH	7,5-8,5 (40% vatnslausn)
<b>Hreinleiki</b>	
Sethópamyndun	Ekki minna en 91,5% miðað við þurrefni
Efnistap við þurrkun	Ekki meira en 11% (105 °C, 12 klukkustundir)
Kalíumhýdroxíð	Ekki meira en 2%
Asparssýra	Ekki meira en 1%
Önnur óhreinindi	Ekki meira en 0,1%
Arsen	Ekki meira en 2,5 mg/kg
Blý	Ekki meira en 1,5 mg/kg
Kvikasilfur	Ekki meira en 0,5 mg/kg
Kadmíum	Ekki meira en 0,1 mg/kg“